

De Kneip es leer

Text und Melodie: Paveier

Homepage: www.paveier.de

Ich jing hück met minger Fründe
zom Jupp en de Kneip op de Eck.
Mer wollten nur flöck ene drinke,
do wohte mer stiev vör Schreck.

Dä Jupp de wor nirjends ze finge,
dä stund nit wie söns hinger de Thek.
Et joof he och nix mih ze trööte,
mir dachte mir wöre verkeht.

**De Kneip es leer, es läuft nichts mehr.
Ajuja mer han ävver Doosch täterä,
De Kneip es leer, es läuft nichts mehr,
Ajuja mer han ävver Doosch.**

Kein Bier un och keine Kloore,
Mir han uns ald sever beduurt,
Dröm däte mer üvverall frooge,
un han dann dat Drama jehoot.

Er war singe beste Kunde,
dä hät selvs am mieste jetank,
Un dat jeden Dach veezehn Stunde,
die Kneip die jehööt jetz de Bank

De Kneip es leer, es läuft nichts mehr... (2x)

Dä Jupp hät uns einfach verlosse
dä Jupp dä es einfach fott
ja un dä weed och su flöck nit mie kumme
jo dä litt jets om Trockendock

De Kneip es leer, es läuft nichts mehr...

Wo krieje mir jetz wät zo drinke
wo jon mir dan jetz blos hin
mir trecke zwei Hüüser wigger
un jon in en andre kaschämm

De Kneip es leer, et läuft nichts mehr...

De Kneip es leer, et läuft nichts mehr
Ajuja mir han ävver Doosch täterä,
De Kneip es leer, es läuft nichts mehr,
Dröm kütt jetz dä Weed in de Woosch